庚

子

或

變

写言

一嗾楊崇伊請太后復出聽政康有爲以言變法獲罪 子國變 祖宗當廢太后心喜其言然未敢發也上 連坐甚 阿請以 新黨罪不測張仲炘黃桂鋆密疏言皇 多逢迎干進者皆以攻康有爲爲名稍與齟 太后方日以上病狀危告天下 嘉慶時有嚴禁犯者凌遲戊戌八 (視病太后不許各公使 郷李希聖亦元箸 一難词視 各國公使 | 函請 朝

遂立 得鴻章以 筧並刺之 謀所以報會 **兩廣總督** 哥天下譯 風各公使 所 謂英 無 說致之購求十萬金而英兵衛之嚴不 可 康有為走入英英人庇馬遂以李鴻章 公使 江蘇糧 所成而返及立端郡王載漪子溥儁 志也而梁啟超亦走保日本使 聞太后大怒日此讐必報時方食 然經元善等連名上書至二千 入賀太后亦召各公使夫 不聽有違言太后及載漪 道 羅嘉杰以風聞 盡攬利 劉學詢 取玉 載漪 慚 歡 日 爲 可

舒翹大學士 復命均 常以夜燎 不然又能指畫空中則火起 后愈盆 福 圍淶水 八城中為壇場幾徧其神曰洪鈞老祖驪山老 揺 力言義 同敗 朝旨 一怒而義和拳自山東浸淫 而祠之為巫舞欲以下神神至 剛毅及乃瑩先後往道之入京師剛毅 死進攻涿州知州龔蔭培告急順天 縣令就芾請兵直 格不行蔭培坐免太后使刑部尚書 民無他心可恃遂焚鐵道毁電幾至者 八無敢不從者以仇敎爲名 刀槊 **隸總督裕禄遣楊福** 不能 入畿輔眾 一能禁 則 府 呼 趙 同

龍一 也五 藉 教 桐 入禁中日夜 理 主太后與載漪謀欲引以廢立故主之特堅匪黨 彬出 總 理 頭 初 得書 部尚 於中 龍 定 無期度揚言當盡滅諸夷不 日 俄 謂上一 書 使格爾思上 國 董 敢 載 一版秀 福 俄與中 俄 虎慶親王奕劻大學士李鴻 漪為管 使 一部侍 國方陸逾二 欲入見 理十 書言觚民 那溥 乃封奏馬亦不 五 興 日 剖 內 百年義當 日益多英 受賜願 日 女皆殺之 閣學上 本 其尸十 記 章 那

剿 霊置
フ 國與外洋交 拳匪 膀 所集也數百年精華盡矣延及城闕火光燭天二 滅是日 城門畫 償 匪勢愈張二十日焚 臣相顧逡巡莫敢 而止 何地太常寺卿袁 日 窺伺之 閉京 一惟攻殺使臣中外 大學士六部 數十年矣民 八日 浅於朝 往 師 武門內火敍堂又連燒他 亂 連 先 紋 九 正 不謀 卿 陽門外 發 相 兩 夕儻 占 日有旨言拳匪作亂當 、議太后哭出羅嘉 之 部侍郎許景澄言 無成案今交民巷使 事無歲無之然 四千餘家京師 測 、縱容衡 知宗社 教堂 富 日 杰

Ļ

Þ,

......

欷 無 郥 器 福 溥 自 歔 賴 不 不 國之 聲 祥 通 미 利 良 미 八喜言言 漪 特 震 收 和 而 州 倉 强 Ž 殿 拾 語 兵精 來 叛 兵然 言人心 場侍 通 瓦 他 巴 州 有 倍 太 逊 非 日 無義 自 內 回 於 郎 一嘿然 長萃 Z 朝 不 日 目 訌 本合 攝 御祭 民 比 外 鮮 可 失 患 侍 夷 之 在亨嘉後 廷臣皆出 大常 役 相 講 當 保 而 隨 學 無 謀 創 日 載 寺少 我 敵 而 鉅 راد 痛 漪 朱 至 何 而 卿 載 言 載 祖 國 以 深 何 效 濂 足 張 謀 福 禦 日 何 亦 特 及 此 以 亦言 亨嘉言 剛 義 載 祇 騎 堪 可睹 慷 盆 部 福 漪 民 拳 倒 也 僧

孽 疏言 用儀 欲用兵余心亂矣今日廷論 後夷兵援使館者亦以眾少不得達至落垡而還! 言時不可失敢阻撓者請斬之聞者莫不 楊村 知其必亡然畏太后不敢言也是日遣那桐許景澄 日又召見大學士六部九卿太后日皇帝意在 可言 乎侍讀學上 義 民 說夷兵令無人道遇拳匪刦之 顧中國積衰兵又不 用兵非中國之 可恃其術甚神 劉 汞亨言亂民當早除不然禍 利 且 可以報雪仇恥載濂亦上 衅不可自我先上 可盡 足恃用亂 爲 上言兵部尚書 歸景澄幾死其 民以 四 痛心詆為 求 日 和 逞寧 戦

載 烏合能 詆 也漪笛 事 漪 辽 效載 與夷通 爲 日義 Щ 亂 漢 漪 行臣不習夷情 Ó 欲誅之 民 試遣 色變 奸立 歡 肉 起 為供 載 相 田 山退夷 漪辩 摶 人心 閒 給 用其 耶 出 亨利 問 窮 萬 且 且 人心 兵夷必聽 心 解 死 非其 甚 耳 部 团 德之若宜 顧 兩 何論 尚書立 徒空言耳 誰 日 職 筝民 解 與 太后 衚 圖存 山日首言戰者 生 罷朝 平立 Ш 雖 以 以 E 奈 赴 無 Ш 心 他 何 德 日 國 敢 親 然 計 亂 家 以 Ŧ 廷 其 侍 對 民 民 命 亭 術

兵自退太后大怒召左右立斬之莊親王載勛救之 好 矣 立 以善其後願太后三思太后 聯 1 若所言吾皆習聞之矣尚待若 後財絀兵單眾寡强弱之 元載勛包衣也協辦大學士王文 城 及 雞犬皆盡矣載 聯元頓首巫言 閣學 聯 見大學士六部 韶 使 勢既已 館 大怒而起以 聯元貳於夷殺聯元夷 不可儻使臣不保洋 言耶若能前去 九卿載漪請攻 無召兵兵來 不侔 部言中國 H 許景澄 手擊 開 自 則 使 駡 而 甲

並 矛並 丽 泣 理 郎指 起 必拜太后亦祠之丙中 剛毅 懌 日 而太后方日召見其黨 而 握 言滅夷矣城中日焚刦火光連日夜煙 拳匪為義民子內帑 加 為教民全家皆盡 肌體分裂嬰兒生未匝月者 干百 徐 **能自是赚景澄太后意旣決載漪** 桐崇綺啟秀趙 死不 人橫行都市莫敢正視之 足惜如天下生靈何太后 死者十數萬 所謂 由 舒翹徐承煜 銀十萬兩載漪 是燕齊之盜莫不 亦殺之慘酷無 人其殺 者夙 又力贊之 載勛載 即第為 燄 所不 搤 漲 則 解 壇

輿櫬 假手義 翰 道 培佑 · 始非 獻 林 約令夷人 <del>规言洪鈞老祖令五龍守</del> 何 院 民 異則下策 書書言無畏夷夷當自滅吉 策乞載漪 盡 以首附義 編修蕭榮爵言夷狄 和拳為奇貨候補 へ 至 滅之時不 就 則稅堂自焚己 我範 載 代奏攻交民巷盡殺使臣 擢 漪得書大喜日此公論也御 圍中策也若始戰終和與含璧 可 順 御 知 天 忽不 府 史 無君父殆二千年 府曾廉翰林院 陳嘉言自謂從 尹士 **沾龍背拱夷船皆立** 林將軍長順言 大夫詔諛干 九 編 策 調 修 天 也

神 後 源 部 斬 一鐘罩 首 部 损 事 曾 胍 萬 中 義 國 里外 九 覧示 温 秉 左 龍 民 鑑 紹 鐙 肵 應 佐請 啟 迴 至 調 戎 彭 屬 秋 清 能 斬 毫 於 前 請 無 役 是 國 出高壽 藩 犯請 議 吳 鬼 時 神 邺 在 國 令按戶 焚 時 燒 津 海 幣 H 及 殺 昌 御 玉 自薦 船 搜 東 日 那 殺 劉 盡 老 壞 家 秱 團 模 僧 絕

善 督張之洞 言神怪者以百數王公邸第百司廨署拳匪皆設壇焉 總統 聯巡視長江李秉衡江蘇巡撫鹿傳霖安徽 合奏言 聽之譬若奉騎 痛 (保護) 湖北 切山東巡撫袁世 載瀾英年佐之 如載勛剛毅不 亂民不可用 巡撫于蔭霖湖南巡撫俞廉三廣東巡撫 兩廣總督李鴻章兩江總督劉坤 四 川總督奎俊閩浙總督許應縣福 禍 敢問都統慶恆 籍 邪術 凱亦極言朝廷縱亂民至 不忍言矣不聽遂以載 姓名部署比於官軍然拳匪 不可信兵端 一家十三口皆 可開其言 巡撫 勛 湖 州將軍 廣總 舉 例毅 國

載 載漪伺於 辽 山思 載 務拳匪欲殺之燏棻夜亡走依袁世凱能虎以賄 漪候補侍 源兵部主事楊芾皆指為教民 昭信股票通 漪 道失其尸二十三 事府詹事李昭煒 夙暱 **永下獄其罪** 慶恆亦不能庇也戶部尚書立 郎胡燏棻治鐵道 詛 **今所部虎神營殺** 地頤 |永道沈能虎與李鴻章有連皆號爲 狀則神語也日通夷殺遊擊 和 園起 日德使克林德 翰林院 漸 侍讀學士黃思永嘗 臺高 之虎神營者虎食羊 被傷 編修杜本崇檢討 幾 十餘丈 死 山 編修 總 不甚 理 請 習 附

請緩期故入總理衙門議而德使死馬殺德使者章京 武衛中軍圍攻交民巷榮禄自持檄督之欲盡殺諸使 臣礮聲日夜不絕屋瓦自騰城中皆哭拳匪助之巫步 恩海也其後日本執殺之克林德已死許緩行又請遷 為營壘穿地道令教民分守之 披髮升屋而號者數萬人聲動天地夷兵裁四百 見愁亂初起令各公使皆反國期 入總理 |十餘 日晝夜番戰苦相持董 衙門各公使不敢出二十四 拳匪亦劣有傷亡 軍 人自為必死皆奮圍 及武衞中軍死者 日遂令董福祥 而剛毅趙舒翹: 日夜盡行各公使 入 四 無 面

功公第一 且死又失天下心不足以承宗廟幸繼統有人定策之 故事之尤 城 自 展 徒雲合而響應公幸起而芟夷之略已盡矣上 虚 大學士孫家鼐徐桐 一般之臣今於公見之矣剛毅大喜自行酒屬舒 如 是當太平舒翹起爲壽 除秕 知 趣戰飲酒歡呼剛毅曰使館破夷人無種矣 今義民四起上下 我展 、蹈方是時董軍武衞中軍因緣刦殺 政與海內更新亦亡以致今日之效也古 如舒翹字也舒翹之入政府也 部尚書 同仇非太后聖明公以身 日自康有為倡亂悖逆喜 陳學棻內閣學 剛 貝子 殺 病

其家人多死者以告榮禄榮禄不 其術固驗太后亦欲用山東僧曹法余蠻子周漢王 **晋廉王龍文詩** 內焚掠皆空使館故用塞門泥不能破也啟秀言使 、除必為後患五臺僧普濟有神兵十萬請召之會攻 副都 盡 盡 所謂三 不可許納貢 |發蜀中兵乃捕得之而漢有心疾徐 御史曾廣鑾太常寺卿陳 乃受朱祖謀請毋攻使館上 |賢者也普法本妖人余蠻子以攻剽 引玉泉水灌之御史彭述謂夷礤不 献 地稱臣償兵費數萬萬疏 能制民居市舍數 邦 瑞皆僅以身 7. 使榮禄 桐謂 召 龍 免

斬也 秋 堂 等在涿州時皆言何如今若此天下事不足言吾與之 **祖謀首建議請驅除啟秀惡之揚言** 俱受其戮矣其後崇綺又三 任此者太后亦不 而教民皆堅壁以待攻剛毅帕首鞾 洞 祖謀具為禄言宜罷兵祿不肯白祖謀敢言匪初 劉坤 御史蔣式芬及彭淸藜吳國鏞亦請斬李鴻章 而前拳匪死者數百 副都統阿克達春為前鋒戰不利載漪大怒立斬 拳匪旣不得志於交民巷乃往攻西什 樂 人剛毅跳而免忿發罵曰 一往攻之訖不能入而載 日非祖謀無足與 刀請督戰張 庫 可

財徐 英兵艦 法領事杜士蘭索大沽礮臺為詞其實礮臺先於1 敢較者二十五日下詔宣戰軍機章京連文冲草也以 色擬於乘輿至自稱九千歲出入大清門呵斥公卿無 津久之 萬馬時有詔徵兵海內騷然羽書相望乃以載漪 匪黨論功除武功質者數十人賞資無虛日車騎服 誣時地盡無據太后及載漪大喜犒賜將卒白金再 日失守矣夷人之攻大沽也營官封得勝手然礮傷 桐崇綺主兵事有請無不從政在軍府高下任心 仰藥死而裕禄方報大 已而兵大至遂陷得勝死焉提督羅榮光走 /捷張戰狀自為功語

獎謂忠義 統之 取 劻 財物不能 南 恩溥往天津 當夷 時、 者 其間 如今日者 大 日益多 桐舊臣 有書 名 徙 應輒夷其宗喜縱 噤 不敢言 思壹 乃候於道遮殺之 更事久以忠憤 頒 招集拳匪至十餘萬 用其言以風 不得賞則公為寇盗 來蓋未聞 取 充位 亦盛言拳民 火 桐 動天 奉 號 日防姦 延燒常數百 詔 召揣摩 為官 人傳太 年 下遂遣 用 事 細坐死 寇寇 取富貴

調 匪 **西沽聶**上 怯 之 詩 已 不至十 故也 耶遂連戰 而朝議大變士成不自安至以身殉君子悲其志 一毛子其實 匪 ÍЦ 死馬玉崑代之十三日以李鴻章為直隸總 一成棄一 五 流有聲 無令蔓 而雍謹事之 日以廷雍爲直 八 、里臺 延雍 十九皆平民 而 其鄉人移書責之士成笑 雍由此大用矣 吳 陷陣 皆 **誠為詩謬西北之** 橋令勞乃宣景 隸布 而死先是士成得 五六好女 而 教民往 政使廷杰罷杰 拳匪之 也初敵! 州知 修死者 殺 教 门豈 州 「剿拳 謂 督 兆

也姜 欲 之 通 津 日 東 殺 冝 殺 俄 守 桂 張 裕 故 之 聞京 求 約 蔭 禄 死十 題 匪 涫 走 殺 載 救 桓 北 於英 夷 漪 於 天 師 津 兵 倉 日 及 新 大震 剛毅 萬 從 馬 疆 也 彭述 者皆失欲草 得 始 玉崑敗於 夷 柳靑當 方處 戍邊 惡之爲蜚 蔭 九 日此 桓 日 以 貴 通 行且 兵興蔭 餘 紫 漢 道 州 求 奏無 竹林 黨 提 語 奸 匪 河 繋 以 桓 遮 督 張 和 梅 撃殺 聞 矣 夷 所 死者 刑 太 得 部 東盆 勢 書 總 知 紙 后 免 尤 理 桂 相 亦 而 官 顥 桐 恐 衙

殆天所以 始萌芽也載漪置酒召徐桐崇綺而吿之 載漪大怒 東盆 老 也與徐桐比而言廢立以是得太后歡恩眷與桐等 彬克德林者議抵罪大學士榮祿意也王文韶附之 太后太后幸頤 人辭去日異時事急請東向呼者三 坐是罷二十 也二十二 **| 滅夷也呼之則老人已在門 |** 不肯視事太后强起之二十七日以 人謁載漪自言有禁方載漪視其書絕誕謝 日有旨保護教士及各國商民殺杉 和園試其方盡驗或曰老人大盗 日以崇綺 部尚書綺之 當至拳匪之 座大驚 桐綺皆

袁昶秉衡有力馬榮祿微爭太后笑祿未起太后日 發陳澤霖萬本華夏辛酉四軍七月初三 將三千人虎恩故善董福祥福祥之攻使館也太后問 為喀什噶 語侵之 日李秉衡至自江南太后大喜三召見寧壽宮語移日 太后聞天津敗方旁皇得秉衡言乃決遂命總統張春 鴻章等公奏秉衡言此張之洞入臣名耳臣無與也 **日五日必克已而言不讐虎恩與福祥論事榮祿前** |戰且言義民可用當以兵法部勒之太后詰 福祥欲殺虎恩榮祿以身翼蔽之乃免二十 爾提督虎恩貪而好色多大言納賄於榮祿 日殺許景澄

拳匪當痛 崇綺亦曰可以懲漢奸令後無妄言者昶初 昶笑謂承煜日勉爲之吾待公於 人與 使 前後 俄故匪黨 言皆陽陽如 耶不 許通刺拳匪攻交民巷西什 死者男女百餘 剿退又兩上疏力爭故尤為載漪所恨 教民亦合羣 頗 蓮 冤之刑部 平時顏色不 側目馬徐 敖 (與載勛 自保拳匪不敢 桐與景澄有郤至榜 變徐桐日是 郎 地下矣景澄亦 載勛請旨交 承煜監刑 탈 庫 旣屢有 死且 召對 有

愕然不知 其冤彭述獨曰此亂民也不殺之 ·玉崑散萬金募死士得三百 者皆死玉崑力戰三晝夜會日入天 刀嘗 敢言者十三日以李鴻章為全權 後玉崑兵亂夾擊 及其 何以 樂祿以 出 屋云初十 禄自戕 至 一夕大至攻北倉炸磁 此也觀者 聞太后泣問計於左 死宋慶退蔡 盡破其 日北倉失 数千 軍 一裕禄 村 變且不測 薄 敵 而前破發 方得 居陣前更番 不頓足 八敗 楊 右以新 雨 夷潛 退 天津畫 歎 而三 至武 停 則 斬

其長 諾笑日貴 使館 變龍送使臣至天津使臣不欲行復書甚嫚彭述詩 其出張 鉤火 瑞諾而出美使康 李秉 而各國以書問使臣在亡皆尼 使 牌 旗 總 衡 機為疑兵數百里皆滿 飛劍謂之八寶當是時義 國以兵戎相 理章京文 、號爲禁旅 出視師請義和拳三千人以 魂幡混 格 瑞齎西 爲書報美送總理衙門不許 天旂雷火肩陰 見朝報不至 抵皆倚 瓜菽麥問遺之 可以忧夷 不達議遣桂春 月餘矣請為我 衡爲名秉衡亦 民大至往往 陽瓶九 十四四 從秉 逆使資納 聞者皆 連套 衡 俟 陳

闡耳過之 兵敗皆脫 死 一概聲 榮禄董福祥 取虚聲而 廷 州之 阿 **載** 傳 哥監 死者 相 身走廷 一于家 霖 故與曾廉 瀾 軍皆潰 爲 國 剛毅連名奏廷 請邱 和 尤好言 圩十 「驕恣實不 兵從 秉 詔 五 衡 優 附拳 潞 五 水 計已定或謬言 走 詔 龍 用兵秉衡信之 日 能使也十 通 匪 為 張 襃 文 其忠 相屬草馬嘗 張 州 比 之 春發萬本華夏辛酉 於連文 季 十六日 流 陳澤霖 煜 御 以 四 冲 秉 使總軍 太 史 日 蔡村 衡奏 衡 后 自 王 鮑琪豹 一格天 議 武清移 廷 事 相 西 敗 疏 重 幸

洩憤 榮禄 衡由 殺 濂請斬 虎恩武衞 者 及 城破 而總 丞尉起家至 馬頭通 用儀立山聯 州已失乃 膊 文韶忠謹厯事多人言不足信也濂方 王文韶太后問榮祿日文韶何致 又請 理 中軍虎神營神機營諸軍皆會誓必破 州失 衙門又 斬載 、召宋慶馬玉崑守京師駐南 開府負清名三十年及死而 秉衡死之拳匪殺平民無算 自 北倉 時致書與議欵欲以誤之 漪冀自解-之敗又圍攻使館董 徐承煜監 十七七 玄 日李秉 人言之 儀 衠 苑 福 敗

一飲食 謀 病篤聯元 死家貲累巨萬盡沒入之太后復出總大 前言 保全 不時 無收者 中欲遂行內禪 属至前太后袖 用儀今豈肯為之請且誅 皇 |上當保全語未終太后罵日皇上當保 將殺用儀等至殿門與徐 耶元為 內召頗見親 通宋槿花而食日 大阿哥之初立也太后召其夙所龍 山意不謂然太后寝疏之 出部祿頓首曰 口吃語塞 因奏見言事畢逡巡起立太 內奸 一而出 醫案宣示 祖宗時 以清朝 桐 死 約俱請 所 政 內外 從來矣 上居瀛 列 竟用 輕 臣 何 桐 請

矣寧不能相採耶廷臣愕眙皆莫對太后欲遣王文韶 獄載漪有私於寶生寶生洩之欲殺以滅口城破與徐 致靖龔 日之內連殺五大臣詔辭忸怩無左證 是 韶廖壽恆 日奕劻喜與他人事耶為我謝奕劻行將及若矣 臣今誅之太縣罪 太后聞秉衡軍敗而哭顧廷臣曰余母子無類 至使館乞和文韶以老辭舒翹 詔釋而寶生獨以太后旨斬昌平寶生昌平 照璵何隆簡黃思永席慶雲皆逸出其後致靖 那桐會城破而免十 不明臣亦見奕劻奕劻言不可 八日御醫姚寶生 又欲殺奕劻 曰臣資望淺 旬 下

急磁聲震天風雨皆止二十日黎明城破夷兵自 朝陽東便三門 通 與書觀其意遂遣總理章京舒文持書往書達與文 **祥走出彰義門縱兵大掠而西** 舒文至董福祥欲殺之稱有詔 州踰時而至董福祥戰於廣渠 日遣大臣來以食時相見及期皆不敢出時方 五城謂我軍大捷夷兵已退天津矣福群 將太后倚信之寖驕不可制榮祿嘗 且臣拙於口亦不能引故事而爭也榮祿 入駐郊壇禁軍皆潰城中無 「輜重 門大 乃免 相屬於道彭述 + 敗時日莫 九 日夷兵 兵 起

聞 福 此六趣軍機 至 此惟有 公館詩 彭述 H 學士 省言 停戰徐議和宜見聽 走 此矣皆失聲而出 酣福祥秦語字樂 問計莫敢言載漪請張白旗榮祿 俄 明徐會灃以兵部尚書 耳若能為衛乎載 馳 頃 福祥有威名 六部九卿無 而盡 入宮言夷兵且攻東華 牆陰屋壁 禄 敢戰夷 也 至者 無所達書拳 瀾 一拍視往往得 太后日速圖 仲華榮 日臣無兵不能 謝恩至地 太后謂載 人憚之 ŧ 禄 言語 默然 匪在 安 澗 紅 城 姑 籴 用

舒翹英年及內監李連英太后 漪溥 隨之 急衣 民 赴 四 至 儁 밁 逃 乃青衣徒 珍如有籠於上 西華門外上 奕 欲赴水載瀾持其衣 **劻善者載勛載瀾載澤溥興溥倫** 城中火起 女皆亡令萬本華大索之竟不 數十人其餘走 遇 載勛始 步涕泣 坐 一大后惡之臨行推墮 英年車太后 夕數驚京師盛時 而 知 出 上 夙 出 髪 安定門遇潰 所在諸宮人皆委 所愛也以立 坐載瀾 及簪 如且避之 素服 車從 兵被 开 居 剛毅 徐 死瑾 阿

對之痛哭春煊 破貫市李氏者富商也從取千金易贏轎昌平令裴 相枕 寒求 百萬 )先遁其後太后至西安召案敏中敏中自殺 日駕出 日矣民或 藉 臥具不得村婦以布被進濯猶未乾 條狐狸畫出向之摩肩擊轂者如行墟墓 拳匪暴軍之 西直門日莫抵昌平貫市上及太后不食 關至岔道兵不及二百人延慶 臥甘肅布 故以勤王兵往察哈爾防俄未 獻蜀黍以手掬食之太后泣上亦泣 政使岑春煊 亂劫盜乘之鹵掠 昌平來見太后 夜然豆茸 空無得 國

奎良進膳 奕劻稱病 崑 《被具二十六日至宣化雞鳴驛霸昌道英瑞 庇亂民罪最 太后喜拊勞甚至二十七日至宣化 剛毅 語留許之載漪謀欲殺奕劻溥倫解之 衣裘太后大喜留 甚辦左右 + 夙騎蹇倨見肇南肇南讓之因 及 不得食有怨言奎良懼太后慰遣之 后皆易轎駐懷來沙城口北道鍾 三日太后易秦奎良轎莫至懷來縣 大太后不悅肇南卒罷歸宣化 皆有饋遺時塞外嚴寒太后 日權永知府 知府李

同 與於廢立上入朝太后連英踞坐不為起嘗與太后 《恃寵甚驕所過供張多逾制年頗裁抑之連英愛幸 食飲自徐桐榮禄皆附之初一 百官赴行在留三日然後行英年前驅主置頓李連 至懷安命奕劻囘京議和許便宜行事太后遣 · 駱李連英六千金 建言廢立以草示徐桐榮禄 取其子爲質是日崇綺死綺穆宗后父也后與太 能故太后惡綺屏居二十年不復奉朝請及立 太后使榮祿起之授書弘德 代其位是日載濂載瀅桂春 桐禄善焉綺推 日至懷安佐衛 殿太后之再枋 十九 初

徐桐 莫應已而夷 言時務者城破 奸盡 桐 破 禄 之 城 桐就 時桐自名 指豫承煜 破走 露矣桐故與前 死在崇綺後遠甚 亦讓綺久之 人欲誅首 師草 保定使 初 桐 正 引繩進之 |學每朝奏事太后 詔 知 人間 馬 不決自 至陽高董福祥 禍 方坐翰林 初 西寧辦事大臣豫 桐不 以 桐 道歸視其家皆已死遂 為人 是榮 日至 桐 得已就縊 為詞桐 修急 禄徐 以故 天鎮天鎮令 至攺容禮 附深 事見屬官 桐交薦之 于承煜詩 師 而 夷兵 欲盡 詐言 善 Z 及

煜 保定者數萬 宮各公使提督皆往從兵三千人焚正 照數里宮 皆走寬山谷彭述至棄其母而 灰兵勤王 兵守乾清門 死初五 囚之為 留三 兵瑚 日 日至大同聚樂山西按察使升允至升允 圈牢窘辱備至而 人內監留者僅二十餘人皆無所得食 以載漪為軍機大臣載瀾為 |與河南蔣尙 理英山奪民馬殺之以徇然榮祿董 人不敢復言戰 外 日給薄粥數升當是時勤王兵在 鈞 怡親王溥靜至為 而上書自名忠義欲攻夷 同護運道者也初六日 逃日本執啟秀徐 陽門城樓火光 干 御前大臣 奴鞭 日本

進銀士 少連英大怒立言於太后逮問之而天喜獨死 涵度以拳黨厚賄李連英得召見擢冀寧道潼 供具惟恐不及矣賂遺左右動至千金潞安府知 大掠京師太后 **裕德敬信溥善阿克** 永 海倫管理前鋒護軍練兵事山西布政使李廷 及 西數百里之 而 丁萬兩趣百官赴行在時潰兵皆起爲盜道不 同令 一初十日至懷仁 齊福田以飽獻得官所過郡縣括 間炊煙 不問也 一幾絕麥苗委地崑 又以需索殺內監張天喜 命榮禄徐桐崑岡崇綺崇 岡以告 初 府 颹

遲京師今盛矣泣下霑衣顧左右取乳茶賜春煊迺去 李鴻章之 **悽然意甚** 廣武十三日至代州陽明堡太后過雁門臨關門 米至石萬錢達官多賣漿自給十 何也是日奕劻還京師以日本兵為衞十 一然夷方分地而守無能過問者竟夷兵去 敬信權步軍統領 四 日至崞縣原平以榮禄爲全權 自 不樂岑春煊進黃花太后 日本歸也失勢居蕭寺中賓客皆引去 大軍貴幸傾天下大從車騎過之 敢問事盜賊亦時時竊發無如 大臣夷 日至山 1塞上 陰岱岳鎭 不敢 一早寒得花 日至代州 拒 夜

肉 鴻章以直隸總督內召太后**意** 鴻章 耶 鴻章 董福 高吾任重禍之 引避 君之 君何 起督廣東榮祿餞之 良久乃言日君 何求 憂之甚 所知 鴻章出之至其所 故德 也 所部也 不得安 河集也 卽 担 禄尤深拳 夷 用涕泣乎祿頷之 何不早自 劇 人誅首 向 亂 飲大歡 不測榮 君 知 起 百歲後吾 脱事祕 死所 禄以 為計 禄 解 何慮禄 私 貂 寧能 裘 逐結 因 在 衞 報 泣 日 鴻 約 中 而 歡 軍 時 而 及

部侍 署帷幄器物甚 者七千餘 色喜旗兵 為理藩院尚書英年為都察院左都御史桂春為 頗揚言自 郎十六 至以敬信為戶部尚書裕德為兵部尚書懷塔 匪 及岑春煊馬玉崑董福祥升允 以模節制 日至陽曲黃土寨十七日至太原居巡 人散而為盗者十五六矣會山 解世或多信之十五日至 附載漪 一設比於宮中高宗幸五臺時故物也 得食時出却掠民苦之 而外爲激昂稱七片 諸軍亦不能禁也十八 忻州江蘇 Ī 一書爭之不 陝甘總督 鹿傳霖 西歲 日命善 巡 撫 能 撫

然甚輕太后猶 小怡久之 微餉 承意拳匪 梅請 漪載瀾 回京 他 遠在 削 察夷情遣吳 十日李鴻章劉 乃謂王文韶出草詔自載漪以 街然無及矣太后之復出也 日復誰肯盡 載勛剛毅英年趙 坤 唯 不悅 下 间 謂文韶日諸臣皆爲國效忠今以 奏至上呼載漪等嚴 而 **永至湖** 力者文韶嘿然文 已未嘗敢言上 坤 舒翹庇拳匪奏行 張 刑 之 部 洞袁世 郎 之 洞腮 兪 下得罪有 斥 セ 二凱連 而之 禍 善趨 名 持 洞 劾 兩

會英語謂之哀的美敦 導之 重 自全皆此類也黨於榮祿剛毅亦不甚惡之閏 亦拒之 使 日 以鹿 館 如國 岡 有閒 杉 往歸國 已殘失無可歸遂不答自是 山彬之 辭馬杉山彬令那桐 傳霖為軍機大臣克林德賜祭一 體何恐任事者寒心矣 迺 问 上 命戶 一所言 死日本書來徵其尸以 載 漪 及議和乃受初三日 固當 部侍郎呂海寰再致祭 剛毅在 然外 屏出之 卒問 文部 往祭子銀 不樂而起 日本 未有言迺先 五 壇 日 命 收我 加儀 其 西 夜 兩 爲 偷偷 月 部

立 陜 秀持ク 后怒抵其奏於地是日以陶模爲兩廣 [盛京 一殺夷人之在山西者學政劉廷琛言賢喜事醸 他事劾楷去匪由是盛矣已而 東巡撫拳匪起平原平原令蔣楷請按誅之賢不 賢免以湖南布政使錫良代之賢以能治 西 一特昌無恐而海蘭泡俄兵數干 撫 廷琛幾得罪其後劉坤 於晉昌昌力持戰議許濟師山 副 魏光熹為陝甘總督初五 都統晉昌罷時山已 前 徒山 張之 死山 日黑龍江 總督岑春煊為 洞亦合劾賢太 西紅巾坐堂 初得詔書 人議 盗稍遷 氣 將 自 計 軍 禍 許

華裝 掩擊之 死 哈爾城護哈爾 來鶴思深 自殺 者 退守內興安嶺士失亡已多力戰敗俄兵翔亦歐 陷寧古 + 頗 自五道河潜渡翔誤謂漠河礦屯也不備陷愛琿 殺 斬獲數十 知不 副 塔山之 略之愛琿副都統 日陷墨 入無後援麾軍退大敗七月初九 統薩保以 鐵道 始挑衅也幕僚山陰 人又擊敗俄船俄大怒華 爾根八月初三日攻齊齊哈爾城 去山捕煥緊更煥 城降 山不 而晉昌援師竟 鳳翔渡江急擊俄兵典軍 而俄兵遽至 又從獄中 苦 一煥上 山軍 人之在江 日俄兵為 書 至初 切諫

亂 召五 計 一般之 Ź 無生 民 非 論戍晉昌者上書詩 琿 一部侍 林 春三 至 衅而實陰嗾之奉天將軍增祺自度軍單欲 殺 而 晉昌後至 國家之意欲以甘言緩夷兵又陽以詔書 礼 俄 朝廷方以國書致俄及英法德美日皆 而奉天最後破東三省盡 一姓營 月初 郎清 護道兵俄兵退海 属聲 五 說崇寬薩廉溥頲鍾靈及訥欽晉 口牛莊葢 日攻遼陽破之十 日敢違旨者罪之遂 斬譚嗣同等詒穀之兄也 平熊岳相 城東昌 入俄其後晉昌 繼 八 連 報 日攻海 陷 大捷 八月三十 下令縦 戒 城 而 毋

朕當歸京師竟議約以冀大難之早平也太后不 所奏多依物怪傅會之皆受詒穀旨初七日以善書! 洞袁世 怒謂載漪載勛日朕倉卒出走徒以太后之故耳豈 人府右宗正溥倫為左宗人初 無敢諫者奕劻李鴻章崑岡劉坤 不聽北倉之敗李鴻章度太后且 死耶太后今已至太原宜無慮矣若屬善侍上 則大局糜爛後患將 |凱約連名坤 不可勝言致書劉 凱皆許諾之 無他慮倘車駕出國 八日幸陝西上不欲 西遷自草奏極 孟 洞答日公 袁世凱皆詩 坤

望奏遂不行後之洞與客飲而醉私語客曰吾亦知 見徽欽之事耶吾不忍陷兩宮於險也鴻章得書 匪郭敦 放之 有大羣至萬 徳成福田賞 國城之 尚謂拳民為拳匪所脅云自河以北大抵無慮皆 縱容罷不復收然是時拳匪聚黨阻山 洞 錢掘冢郏掠行人 源犯蹕捕殺之敦源能合眾名亞張德成曹 渦然太后在京夷兵必挾之 不敢請囘鑾者恐歸政也十 賜累萬金而 人圍固安 死者不 破懷柔 敦源以誅死介休令陳 懷柔令 可勝數 歸政事 日至介休 一家皆 川者 尚 死 所

東盆 德 至京也以俄兵百人自衞英日本甚忌之十八 也十七日李鴻章至京鴻章在天津調德 一剿之 剛毅以病留太后 西 後毅與榮禄枋政擬於共 日吾統兵主戰君主和職事不 有爲走海 大事榮 策爲多 朝廷以解散為詞上下 禄 外為書醜武太后辭 而毅弗與毅已心望不能 日太驟將有變不如 頗示異同故與禄交 使 何 乃瑩護視之三日而 和榮禄主兵 下相 徐 蓮上 同謝 疑 不敢 圖之 惡稱善 一躬毅獻 平拳匪 帥 正名 及立大 五德 見鴻章 死自 焦 日 西

是李鴻章以衅巨寇深議授奕劻榮祿 起矣天門燒熬堂衡州繼之江西所毀尤獨多而 日以奕劻為全權大臣劉坤一 權議然從其請也自宣戰之 至連陷江山常山諸縣 東南大擾然卒以無事坤一之洞功爲多坤 無所受然嘗以多金坐市求利不能售其欺也是 剛愎過於禄而巧詐不如叔事李連英公與上為 用滿人尤力至謂中國强滿洲亡 也意猶豫不知 殺西安令吳德潚駁者數 所為李鴻章首倡不奉詔 記出長江多盜盜稍 張之洞許便宜行事 坤 一殺陽爲公廉 一之洞皆爲 浙 洞

鴻章 使世 亦紫 事談互保長江各 森卒以 坤 因 洞謀自保私與夷 鴻章 獲罪匿奏 世 其利矣廣 凱 一段教堂 報 洞 置其奏勿與通且遺書德壽告槐 凱奏之世 和 世凱亦 日吾思之 と 去廣西幾陷罪當是時 西 約 慮 遭 凱 巡撫黃槐森言義民雪 不相犯立約 熟矣即被譴 為 **想以告坤一之** 和使夷兵得幷力趨京師誤 應和之 瑜慶陶森甲至上 槐森所持計無所 功馬世 m 還 雖 洞坤 三七 用 |海與各 出 以自全 國 問於 之 詰責 恥 章 洞 坤 而 國 念

漪 奏焉給事中王鵬運 保定走 而 于 御史李擢英萬本 事下鴻章奕劻治 巾以萬計 椿好拳 **淌等罪重法** 持節東南也以 太原 日令李鴻章 剛 剛毅 拳頗從 毅 州以 死李 輕 敦 捜 7 南 シ 領 論 亦言非嚴議 請 鴻章為禄詩 無 又連 詔 武 然不振二十日李鴻章奕劻 嚴議時德美書 衛中軍榮禄 別圈禁遣戍朱 不許前往 拳 名 餉 河南 請斬載 不 太后亦念之 足 巡 至 冷荷載 撫裕長漕 平定 赴 請 謝 殺 祖 首謀 勛皆 而還 在 謀 外 故復 禄 運 鵬 及 乃 閒 初 載 並

按察使沈家本論 兵英兵入 后前太后 邊 殺 盛助之不能 西 井 言欲發西陵李鴻章 並塞而南東擾河閒過眞定自河以 人首率拳匪攻天津租界者也裕禄亦遣練 、保定 劉坤 利瑪竇南懷仁家故夷議報之 陘循六 兩蓄 **廷雍以牛酒勞師居久之以** 國 殺 訊 時 無狀乃釋之 死 保定既已失自是略 聞 用兵故道浸尋 Z 而祿獨進矣二十三日德兵法 街 固爭又 禄尤甚嘗論事至交 又殺道員譚文煥立 欲 焼 及 北 縱匪殺 先是 大抵 西矣至 開 承德 重

帥 銀 瓦德 道 而德 為 德 通 助請之 門夷兵至騎 瓦德 百餘萬 兵尤横公卿貴 又老病 陽門 至京居 欲見李鴻 也珪幣 西 俄英兵迭居頤 內帑倍之盡 儀 賴 死 驉 俎 章鴻章謝 鸞殿自 乃往 行不能以 丽 豆皆失 多多 見馬 張之 以資 殿 被笞 聯軍之人 九 洞 和 王 日 ÷ 帛 園 辱礟撃 月 敵 劉 所居 及 圖 坤 初 城 出 治道涂 籍焚掠 日 而 大 夷 也 日 亦 太廟 后宫 薪 何 時 穿城 還我 鴻章 木皆 無 亦 鴡 掠 吾 取 盡 劾 整 財 寪

臨潼勒還之載漪走寧夏 道 衅罪當懲 女 供億皆取於 大率已 數謀逆御前大臣那彥 軍 盡征取應故事而 禍持益急 內閣侍讀學士裴維佐以 軍華 民民重 日李鴻章與瓦德西見於儀 陰盡虜其資徒 乃令載漪載勛留蒲 不悅 因韶乘輿所過 初四 自太原以 九國軍 圖 已武衛 護 日至 聞樂 躬甚至計 西旱流徙 軍又大掠 西安居 無出 둧 公言 載 今年稅 苑 勛 至公略 租

中 各 國 瓦德西 一份良 國議 而 、班最先與德意志便宜行事大 輕 全權大 頭年殿而武英殿亦火宮闕皆已 長城嶺至大同山 中約往往 侮中國 又稽期乃請 而 出然 臣雖奉 月初三 及見 相 難約 日 詔無璽書瓦德 及 鴻章色甚和 開乾清宮用璽自 和議 日斯巴 西戒嚴 久不出兵連未 也其後儀 尼亞使臣葛絡幹 李鴻章 臣 西 而 奕 爲 穆 難 鸞 燒 殿 敕 劻 収 烖 因 頗 握 斯 瓦 德 認 居

便宜 約來與奕劻李鴻章法英德中文各一為綱 文中文各 利使臣薩 一行事全權大臣克羅伯俄羅斯全權大 行事鮑渥英吉利便宜行事全權 謝殺使臣克 諸臣各國所名索皆應以罪 助鴻章 |美利堅全權大臣柔克義法 被害各郡縣不得行文武試五年 爾瓦格日本全權 述中國皇帝惋惜慚 不敢議 林德罪克林德死所應立碑 乃奏聞馬其一 輕重 臣 悔之 小村壽 中 蘭 大臣薛 用中法 意 國應遣親 西 道 郎荷 嚴治 用辣 格 爾 思

留兵十 或 國 軍 中 得 許 財中 污或 使館域 人及 及製 得行七各國應留 國 掘 應 應各立 人民結會 造軍械 削平之 中國人之給 償 內 一碑命之 八自中國京 火藥 應 他籌歲 自 兵衛使 海 他 事 諸器機 至京 各國 滌 禮 國 師 通 並設 當 道 恐 被 道 償 亂 四 防 软

奕劻 各省 國謂宜修改者中 國 禍 改照會 在 事務 當 及 議已 章 凡二年十 凌虐各 應嚴懲 國兵不 諭 盡 中 衙門舊章 常悄慄 加 國允行之 復退 國 約 革 張 國 應 通 以 盡 城 洞 自 云之 應聽從不得持異議十一 變各公使 商 鎭 安 L 獨 得 洞亦 諸 罷 疏 及 他 見約 船 約 争 文武試 度 中 不 許 開 無 覲 約及通商 國 미 脱復 舵 許 見 非盡從 之喜過 兵且西 学二 儀節 應 斷 由答 部 則京 各 齗 總 慈 口口 於 詔 理 曉 巡 宜 國

商 稅英持 「黎秦」 年賞 岸五 附 太 欲 為 抽 餘 桐 Ž 息 久乃令稍 五 郎 物 里 謝 載 Ш 四 與 海 釐 價 内之常 灃 後遣醇 歸 關 得 拜 村 日 皆 膊 載 漸 稅 九 他 騰 百餘 駐 關 灃 親 館 津 食物之 稅 償 兵兵八千 軍 至 實 載 败歸 兆抵 兵費 瑞 廣袤 逮 豐 免征者 往 亦 以 留 稅 唐 四 務司 鹽課 許 不前 德 沽 敷 蘆 爲 而 取 五 鹽釐 里 京 俄 謝 盈 唐 海 許 兆 罪 翰 乃 師 得免 增進 使 關 期 及 使 德 几 稅 院 抵 館

治大沽口黃浦江中外 失築壘為壁守甚嚴軍械 護前瓦德西以書相詰 澄袁昶徐用儀立山聯元令議鄭許還原官而詔書頗 所立碑償使館侵地墮礮台費皆取於我使臣覲見輿 在位六十年而蔭桓爲賀使故英美請之宣 **公請雪張蔭桓久乃許蔭桓嘗使英英女皇維多利** (沽口年十二萬總理衙門攺外務 加黃棒至景運 府兵部工 一部變儀衞太醫院欽天監理藩院堂子皆 門外 問李鴻章權詞解之其後英美 換椅轎至乾清門他 均其費黃浦江年四十六萬金 火藥各機器不許入二年濬 部班列六部前諸 **\\ \\ \\ \\ \** 一戰以後當 如故許

所 滿 他官 詔 粗定 盡從之矣令盛宣懷議 滿洲 明年七 有變俄 火器磁台營寨 皆 留兵一 伏俄 坐 一罪諸 月畫 省還中國中國設官 得助中 俄 議歸我東三 以 再練 八應盆 葯 拳臣矯 護 鐵路 用璽 國 兵久後若練及駐 加輯睦並 用兵中國 省 擅 庫盡折毀之 爲徹兵約 別為 盡燬之 商約 以 衞 兵 約 語甚多 地 辦事悉如前一 大定 謂之 爲目 方中國 理 兵應先告俄 所在糧食馬三 皆遣散 四中國 為偽 其 亦十二 不能盡記也 一將軍 他 所詩 自 中 一議講 失之 都 俄 駐 統 國 軍 滿 應 抵 許 兵 及

剪 **敷軍械** 訓 北及金州 許俄由滿 國 國 艺 川鐵 亦不 辨 俄兵費俄 北方水陸軍 他產業視此十 理失宜 車 得自辦除牛莊外不 道與其他利益非俄 中國不能悉自主八 洲全省或 |俄得請中國懲辦中國皆應從六中 兵退有期迺議十鐵路被毁皆 上應歸 運 俄 滿洲五滿洲各 幹路再造鐵道 一省之 俄自用兵以來所 他 國不得預七自旅順 得賃 利益 所許 洲蒙古 人爲租 不得 為 耋 地方官應歸 抵償十 新疆 譲與他 界 伊 於 及 九 及 國

立 國京 之置不答遂以國書與俄請攺約俄 國必昭大信之言前此之 如東三 數 大皇帝欲葬舊好而不免各國藉口分爭度必不 州為答書書辭甚巽鴻章又以國書請曰敝國 之洞連疏請無許之洞尤以爭俄約自名鴻章頗 已失守矣而大國許見還朕圖報不遑何忍違異無 也況來書所云仁至義盡敝國自慶如天之福 省主權 一書奕劻李鴻章劉坤一 出英日大譁爲書爭尤力而 一失各國皆從而生心中國將無以自 張之 乃稍許得練 洞辭甚危 上海士 兵運 人會 東三

渦 英日益造爲能辭陰撓之幸議不成有他變被罪俄 心令李鴻章主俄約俄亦許敗前議會鴻章病約不成 與增祺爲守約益發兵至五萬人而朝廷以詔書責劉 國 實 忍決 得割地攘他利益遂其私張之洞劉坤 保全之俄得書亦以各國起相持久之不復問 今罪人方居中用事吾當自引兵往取之 斷也自各國請重懲首禍諸臣太后意終庇之 **瓦德西過李鴻章日君良苦矣計且窮屢請** 洞居南方久袒英置京師根本不諒朝廷 一李鴻章日待我三日不獲命者 又固爭朝 一世態

日賜載 豈能無罰況諸臣夙自許忠義殺身以紆急難 晚也遂疏言聯軍 吾母子猶可全也太后不得已恨甚許之正 刑賞國家之大柄今禍變至此宗社幾危微 者倍之婦女嬰兒以 心又何惜 日吾力不能庇矣强庇之 以步軍 動自盡於蒲 統領下 死太后覽奏不說蹙額良久不 州令 將渡河不速誅首謀西安必 **令能捕斬 小許及歸請對又不許方事** 部侍郎葛寶華往 禍且及吾母子不 一夷人者賞 金 如 初 固 殷 保

其身拳匪 泂 事 何福 具騎從往 關 攻教堂德持 州賢已 至詫為神王公貴 ()謂矣 師者 監 攻 爲 刑 猶 論 關 始 而 王懿榮李端 西什庫死 先 拳 成新 詔 之落職 曾廉王龍 壯繆謁載 山東 匪 起 疆 遂 馬 至道中乃當斯令甘 載勛 切齒 老 遇 東李秉衡提倡之秉衡以 勛載勛 及太后左 獨 團 又翕然稱其忠 不悟 爲 語 於 跪 之 外 也初四日殺 涓涓不 迎至不敢 也至五十 **颈**冤甘 皆信之 賢代秉 至 肅按 肅 絕 相 一衡異 而 附 餘 布 痂 政 視 和 例 使 故 鄆

翹 死 舒翹 實左 載勛爲步 服諸毒不 伐之 視之 醇賢親 右 臣然 書徧示之皆失码 遷 得白 下按 之 至 大吉歸 飲金 視載 尚書 軍 死竟勒殺 王奕譞 蛇 統領年 察使監 瀾 不可 報 屑 頗自喜 一、

整

整 自 爲謹 Ź 殺 勝 視 東白 數 年善望氣以 舒 日 **岑春煊遺年藥年** 初 六日 樹若 物 阿 舒 翼 莫能 翹 杏高百 總兵佐之 獨前賀 哥之立 有血 賜英年趙 **習律令以** 兩 祈 大此其 馬其夕塋 尺無枝 為拳 幸太 死獄 舒 刑 對 后太 翹 氣 將 祥 部 羣 樹 自 成 横 也 主 請

灃 化 死 同 涿 監 同 取容天性也 · 匪 之 斬秀事 試官往 歸 民有主 承煜趣勒 無噍類矣其弟彦 極知拳匪當肇 殺白 坐 死啟秀已 一矣復 解秀秀日 徐桐甚 舒翹心 蓮紋 初 ı 何 八 囚承煜給其父 謹 也 知其冤 H 疑臣猶 許之 獄 調以 君 桐薦之 殺啟秀徐 秀守蘇 歸期當在十 私 具即 附 死 恨 其 剛 竊歎然 州陰 對承煜在 晚也 軍機修撰縣 承煜 反有迹案律 毅故盛繩 約 丢 大后 倶 月後 以 風之使殺 殉 刑部 敢言其於 大喜 五 成 卒以 桐 時 侍 婦 削 鸌 郎

寧壽宮載 家大索得旃 臣不免以此 載 以故得立其子 載漪 名田連 漪妻蒙古 起第宅後房婦 漪日因進珍寶 無稱稱 載 瀾 亘百餘里 役軍士 布 紅祥重 論 人尤恨 阿拉善 爲 及他 亦 啗 百 牛 女 阿 及白金百萬又以 新 馬董福祥奪官 物皆以效民論 人也以善笄幸 敷十 滅 羊 疆 哥京師 載漪走蒙古 奉 驢馬橐駝 人實 金玉玩 飢起 擁 相 於 載瀾 以 重兵為 歸 撲殺之 好填委其 萬計 甘肅 太后 賄事太 太后實 剛毅 從拳 歲 出 雖 祥 匪 陰

套金公者大 行二十餘日驗視實死乃釋之 至金公所金公召文欽乃飮藥 金衢 都 論 晉昌巴彥蘇蘇統 桂芬署歸化 斬 司周之 死發極邊充軍永 嚴道鮑 徐桐李秉衡 托 俠也文 德歸綏道 城通判李恕署寧遠州通 祖齡. 同 欽走匿 領 山 坐鐫職所前得邮典皆追奪馬 西 鄭文欽陽曲令白昶論棄 知郭之 鄂英湖南衡 不釋 汾 金公錫良購文欽萬 囘 州 而白 浙寇之 樞 自殺鹽浸其 府 和林格爾 同知徐繼 昶自 汞郴桂 攻西安吳德潚 判沈 殺 道隆文 盛京副 孺 通 爲 綬 判 忻 金 市 均 都 彘 河

副 直 崔 都 衝 彭元 統 澄 撫 鮑 州 方會 寰 倭 궲 縣 劉 克 平 樹堂 城 秦 曲 樹 齡 堂大 金 逮 縣 錫 祖齡 沃 泰直 革職 知 浙 知 圭 縣 、發兵 縣 黑 知 江 龍 文 縣 納 衢 搫 錦 星 江 州 故 王 名 敘 鎭 均 廷 副 德 延鎖 都 英孝義 總 斬 革 潚 用 總 倉場侍 膱 統 數 兵 死 發 喻 兵 甚 鳳 百 俊 慘 祥 知 王 極 縣 連 明 邉 其 浙 那 縣 知 乃 家 Ш 長 定 鞏 永 江 縣 景 萃 英 布 祖 姚 西 釋 呼蘭 學 齢 河 政 恩 殱 州 使 南 康 知 州 囘 知 鎮 遂 城 榮 浙

城 壁 理高 縣孔繁 縣 城 奪官 乃勳 知 翁寶仁均 縣 酚 平 湖 副 昌 陳 江 縣 都 知 職清苑 均 南 革 世 統 西 知 縣 四 衡 苗 奎成 偉 縣于 革 按 職 職 縣 名 察使陳 岱 故 澤 知 知 西 永 珂 霖 吉安 縣 直 州 敘 澤 山東恩 裕 張 府 攺爲革 知 贛寧道 知 總 縣 用河南 两 南 府 北 虛 督 豐 縣 陶 鼎 縣 知 家 縣 旗駐 涂 晉 问 三<u>夫</u> 知 河南 騶 革 椿 北道岑春 知 年 縣 秦應達 職 藏 南 山 鄧 鄭 汞 西 慶 臨

都 派! 遜 桶 司 败 守 次 署 僔 悠呂 郝 鄭 革 縣 寧 旨 霈 殿 囘 膱 家 直 鄉 申 署 將 魁 知 隸 縣 塔 縣 飭 石 望 拉 通 鳳 呂 知 西 後 縣 特 繼 岐 判 都 鄭 田 革 縣 純 王 郝 同 又 劉 著 續 太原 鎮 職 垣 知 振 麟 總 請 革 均 縣 軍 汞 武官 嚴 鄮 銜 奉 代 兵 把 卽 楊 理 敘 查 天 鴻 辦 压 革 馬 團 烈 緒 職 得 陽 長 阿 長 河 常 拉 永 南 勝 太 子 志 善 縣 張 原 西 四 華 全 德 進 敘 縣 王 知 中 聲 縣 劉 發 圳 縣 用 知 喀 黃 恩 陝 扣 縣 極 順 巸 縣 知 譝 爾 何 팭

貝羅 張 敘 舉 傑單 芳 守 文 謝 關 孫 謙 林 府 甘棠 繼文 均監 武 知 步鰲著 知 府文 高 舉 縣 縣 襲 廩生 禁 單 縣 四 任 知 王 寶 斥 炳 焕 宜 賓 川 江 崇慶 袁 森 革 縣 耀 鄢 琅 西 用斌 廣 均 文 塡 直 監 縉 聚 撤 南 隸 生 林 州 縣 西 梅素 鎭 奎 湘 民 知 思 知 總兵 巨林 恩 江 河南 縣 栦 左 清 府 陳兆棠 王 西 浴荃 武生 吉安 涉縣 茂修盧 殿 知 何明亮清 知 府 甲灌 芜 李太 已革 崇寧 府 知縣 張 明生 知府 縣 濟 車 江 知 單 梁 縣 均 知 道 四

戰 銀 十萬 及其他苛斂 语 樹 教堂 四 牲 湖 涵 兩 一償欸 畜 抵 直隸二百餘 抵罪諸稅堂償 度最庇拳 北 Щ 及土 最 少猶一 西 Ź 銀 萬 九萬 地償抵焉岑春煊 政始行矣 江 媚 西七十萬湖南三十六萬浙 而 一萬金大半皆賦於 事 八千 萬 各 欵 赦 Щ 國 西二 及存恤 而蒙古鄂托 雨鳥審旂 徙 一故償 禍 首 百二十餘萬 初揣 秋民 欵 誤 減於 后畫 四萬 安為 大后 札 而 初 Ħ. 房 師

稿素大哭三日盡徵天下兵工 水以賜籠眷埓於李連英兩宮之至西安也困苦飢寒 關中大興屯以助餉吏部主事洪嘉與劃指血上書 夏壽田請斬李鴻章劉坤 山東咸被兵西安又大震岑春煊新有龍利獨總 頗言戰曾廉請以重兵守河北堅壁清野老夷師 而得達而德意合兵攻故關劉光才方友升軍大潰 反侵地薦洪嘉與許珏從又請斬王 河南學政入辭太后為言剛毅徐 后獨 深念舊 人往往臨朝而 一部主事夏震武自請 歎翰 張之 洞上覽奏大怒 桐至流涕英年 林院編修林開 |文部翰林院 謨

ナ亡度及 期有今日得 人譚心培孫 地磚為花鳥費不貲上見之愀 地 朝 亦以 哭太 少春 福 郎 張英麟 后 一樣屋 が處田さ 忽忽 煊 歸 亦哭甚 因李連英請之 固 被 際雲皆食五品俸供奉禁中 不樂且病矣 原 疏言管仲之告 風 見辭 雨幸矣 **劻李鴻章每奏至常稱** 然日 何厚 亦不許然 自甲申以後尤 自 飾爲以 播 吾無 頗 遷

可 碌 相要約敬信自京師至行在賓客送者數十百 英麟榮禄王文 躬行 德 免歸不復 無恙太后當早歸信旣至承榮禄 殿召英麟 節 節 使官 儉損 有稱馬始德 侍讀學士 召英麟 卸 解慶 韶頓首力 膳减衣為自强之本太 (祺卒 示安往視示安還 一惲铖 東 日本以 争 人同治中 数請之 · 乃 免 房中 鼎御史 國書請回鑾各 術媚 欲 與編 鄭 罕 對 旨 炳 修 敗英麟 一敢言 實 王慶 同龢 國 皆 亦

巡撫兪廉三名在首 壽以行宮不辨請改期壽在江西毀教堂尤眾與湖 新 無 劉樹堂 悌 都也 教堂賞 日壽滿 澤霖嘗攻 獨坐 平王 太后亦恐遂歸政不欲行左右多更進言 治河南宮室請遂都洛陽洛陽周公之 遷馬 失官自長萃陳澤霖 也 方買田宅咸陽數言敵情 賄 州敬堂故也八月二 **腡鹿傳霖爲壽請於李鴻章出 卜年幾六百遂風旨河南巡撫** 如與兪廉三 入十萬金故皆得免 並請示大公而 以下所處 一十四 而浙 叵測勸 分至 江 數 所 巡 脫

蓬萊方丈瀛 雲殿在山上 宣懷 皆 占白 百萬盡輦之 備每歲元日 軍 名花海棠牡 過於乾隆盛時 開報効實 日本 洲馬 度高景 甚盛 而東自中法連兵和議定號為 太后之所常居也自鐵道火車電 發卒數萬 穴 盡 此得管蘆漢鐵路攬 至中春為魚龍 山為秋風亭臨 丹辛夷之屬盡 頭和園土木之費幾七千 百萬自諸 園萬壽山複道 一移植 百戲曼衍空中 玉泉象海中神 王大臣皆有進 供獻士 學二 周閣 園 太后私 相屬 大

國家多故 端矣 賤 其 直 盆 歲 騖 至 時 際 財 望諸貴 郡 西 財矣 安 遣 乃 劉 匱以賣官 及夷兵 毓 稍 Щ 承 陜 車 藻 往 風 萬 各 駕 陳 視 早 然 拟 時利左宗蕃皆以 為 報効廣東 至臨潼臨潼令夏 歳 費亦各 人相 所 道 緒治宮室設 X 費 為 食 然無救於乏吏 猶 薪 数十 馬戊戌以 萬金今天子 振 黎 縣官 國 廉 厨 後 傳 材 者 貲 陳 興 道 數 昭 取 常 敢 刨 九 觀 應 萬 位 衞 卿

尤喜之蔡 也 多寡 都 又頗言 一萬金得海關道樹勛握 人達斌 即徇 緩五萬金 禄 鈞 榮 肥 畏護謝病不肯出 人言北渡 浮梁鎮進瓷盤 使 、胡延之屬皆爲大官 禄 而 瘠取償焉奭良革員以其宅 九 李鴻章為龔 短長榮禄亦以 日本黃承暄 月十七日 河臣請 至十 韓慶 禄之自保定 皷 照璵請報効三萬 死之 雒 無他長而 子墮馬 一萬 陽 雲 而 他 不能 張 文 湘 悌 物 潭 死 成 復召 爲亡國 渭 調 稱 賄 勳 善 見泣 是 袁 南王 除 哭 禄宅直 也盡 獨榮 馬 道員 樹 金 之虜 語 鵬 蒯 遂 驛 進 視

也 万夷兵之 錢干 涵度 抵皆決於祿矣余虎恩忤 月一 遣 赴 權直隸總 在 澒 師 続 鈍 禄 拳 遂 賢之 貪鄙之 督漕運 匪襲殺之道 日李鴻章卒以 保定聞 師 用冀寧道 所 也鴻章遷 總督 任舉 鴻章 徒 皆 中 徒 張 也 輻 延 王 陽護 禄 甚 毓 延 駿 其 賢大喜事 奏請進 榆綏政以賄成天下 不肯進 下 一一教士 部為 刑 爲山東巡 所 部 一出境 屢 而董 得 全權 ·發使 以 詔 詔 資送甚 鉅萬. 敦 福 大臣袁 が詳 奕 促之 多 億 加 劻 持 故

許鴻章恚甚歐血遂 俄亦重違其意曲從之鴻章 朝廷必見從 各國之 后使 **閪有大度然是非利害所** 退兵歸地有端倪與俄使 率駁斥不盡行鴻章 怨然太后喜聯俄鴻章雅 掘康有為梁啟超 華中 己也欲引俄為衛 及奏上而太后惑於張之洞劉 國 海 軍 死追封 船界 祖 在 無少 方自以為有功有驕色度 與俄善太后欲倚鴻章結 已議定畫 **(墳鴻章頗枝梧太后意** 不敢昌言也其督兩廣 等侯諡文忠鴻章爲 日本爭之 望 而俄約 能衞 約矣鴻章所 四四 止 坤 已大改 言 前

依附之獨韶之思章皆信之張之思 章皆信之 即日出宮以 月 爲 時所笑 初二 Ė 近大名欲古 然 至 關下 開封二 北 原 人以善宦致總督惟之洞為 十日廢溥儁 、戌以 仍食八分公